

Izjava VP o paketu mjera za unapređenje izbornog procesa – ključne poruke



Danas radim nešto što je trebalo biti urađeno prije više godina i što bi trebalo da se podrazumijeva u jednom demokratskom sistemu: garantiranje slobodnih, fer i demokratskih izbora za sve građane Bosne i Hercegovine. Stoga najavljujem da sam odlučio donijeti izmjene i dopune Izbornog zakona BiH, u skladu sa mojim mandatom, kao doprinos upravo najavljenom procesu približavanja ove zemlje EU, te iznad svega, za ljude ove zemlje.

Već više od 15 godina Bosna i Hercegovina prikuplja preporuke i opservacije o manjkavostima u izbornom okviru od OSCE-a, ODIHR-a, Vijeća Evrope i drugih instanci. Većina ovih preporuka do sada nije provedena.

Radi se o vrlo jasnim međunarodnim demokratskim smjernicama i ne bi trebalo biti teško donijeti odgovarajuće izmjene i dopune zakona. Kao što vrlo dobro znate, vlasti BiH nisu uspjele u tome.

(...)

Jedini način da Bosna i Hercegovina bude kredibilna u svojoj težnji da se integrira u EU je da ima institucije koje podliježu standardima EU. Nijedna zemlja ne može postati članica EU bez usvajanja skupa općih prava i obaveza koji čine pravnu stečevinu EU. Uslove postavlja Evropska unija, ne

domaći političari.

Izbori se provode u interesu građana, ne u interesu političkih stranaka. Prošle godine sam, skupa sa drugim međunarodnim partnerima BiH, zagovarao ove izmjene. Budući da izbori trebaju biti održani za svega šest mjeseci, izmjene i dopune izbornog zakona moraju biti provedene na vrijeme, a ne nazire se domaće rješenje, ja sam se pobrinuo za to. Nije mi to drago, da budem iskren, jer sam i sam stava da su domaća rješenja najbolja rješenja. Stoga sada donosim paket za poboljšanje integriteta kako bi se stvorili neophodni tehnički i organizacijski uslovi za fair, transparentne izbore gdje građani mogu biti sigurni da rezultati odražavaju njihove glasove a ne interese pojedinih stranaka.

(...)

Moja odluka ne dotiče političku supstancu izbornog sistema u BiH. Ona se odnosi na pitanja integriteta kako bi se osiguralo da glasači mogu slobodno izraziti svoju volju i vidjeti da se njihovi glasovi broje. Izmjene i dopune se mogu dalje mijenjati u Parlamentu – poboljšanja zakona su dobrodošla ukoliko Parlament prepozna potrebu za tim.

(...)

I, na kraju, jedan dobromjeran savjet: neki će se možda buniti zbog današnje odluke, ali je stvar vrlo jednostavna – cilj je jačanje integriteta izbornog procesa u interesu građana.

Bilo ko, ko ne želi prihvati temelje demokratskog društva uskraćuje građanima budućnost ove zemlje i šansu da budu dio Evropske unije. Stoga, sada se obraćam građanima, iskoristite priliku, izađite i glasajte i ne dajte nikome da blokira vaš put u budućnost.

Povezani sadržaj:

Paket mjera za poboljšanje integriteta izbornog procesa – opće informacije

Odluka kojom se donosi Zakon o izmjenama i dopunama Izbornog zakona Bosne i Hercegovine

Izjava ambasadora Upravnog odbora Vijeća za provedbu mira, 18. oktobra 2023.